

GOV-HER-NANCE

"Gov-her-nance" बुलेटिन, धनगढी
 उप-महानगरपालिककै कैयो समुदायमसे सिरवाठल हल्ला, नागरिक हुक्नक जिज्ञासा ओ प्रश्न सिमोटक तथ्य पता लगाक, सक्कु नागरिक हुक्न सूचित कर्ना काम कर्ता । हम्ही बुलेटिनकै माध्यमसे महिला (जनिनक) ओ लैड्डिक अल्पसंरच्यककै कुदाहन बाहेर लान्क उपमहानगरवासी ओ उपमहानगरपालिकाबीचम रहल सूचनक ढूरी कम कराक लैड्डिकमैत्री उपमहानगरकै अवधारणह पूरा कर्ना लक्ष्य लेल बाटी ।



राष्ट्रपति महिला उत्थान कार्यक्रम अन्तर्गत ७५३ वटा स्थानीय तहमा लैंगिक हिंसा निवारण कोषको स्थापना

स्थानीय तहम रथ्याल कर्ना निकायसे मिल्क स्थानीय राहत समिति गठन कैक उ रकम असिक राहत बँट्ना नियम बा :



हिंसा पीडितहुँक्र कौनो सिपवाला तालिम लेक व्यवसाय करकलाग वस्तुगत ओ नगद अनुदान महिलसे हरेक एक जन ढ्यारम **२०,००० रुप्या** भेटैठ



पीडितहन कानुनी सहायता, मनोवैज्ञानिक बिर्वा, मनोसामाजिक परामर्श सेवाकै लाग **५,००० रुप्या** सम



पीडितके तुरुन्त बिर्वा कराइबेर लग्ना खर्च-कहोरे जाइबेर लग्ना जाडी भाडा, रैना खर्च सहइ (हरेक दिन) **३०० रुप्या**, कहोरे बास बैठ पर्लसे वाकरलाग सहइ (हरेक दिन) **५००** कैक जर्मा **५००० रुप्या** सम



प्रदेश राहत समिति घटनाकै प्रकृति, पीडितकै अवस्था विचार कैक पीडितहन **१०,००० रुप्या** सम राहत



पीडितह अस्पताल भर्ना कर पर्लसे जाइबेर लग्ना सार्वजनिक सवारी भाडा, रैना खर्च सहइ (प्रतिदिन) **३०० रुप्या**, आस्पतालम बैठना व्यवस्था निरहलम बाहेर बैठ पर्लसे सहइ **५०० रुप्या**कै दरले ढ्यारम **५** दिनकै बैठना खर्च, बिर्वा खर्चफे जोर्क ढ्यारम **६,५०० रुप्या** ।



पीडितकै छाइछावन् पीडितकै जस्तह रैना खर्च देना

राहत समिति पीडितहुक्न राहत डेहेबेरे उपर कहलअकुसारक रकमक हद ओ आधार मान पर्ना बा ।

स्रोत : सक्कु स्थानीय तह लैंगिक हिंसा निवारण कोष स्थापना ओ विस्तारके लाग सर्त अनुदान रकम खर्चसे जोरायिर मापदण्ड, २०७६

हल्ला ओ तथ्य

उपभोक्ता समितिम
जैह्याफे पुरुष केल
सहभागी हुइल देख्नुँ ।
का यर्न जनिन मनै
सहभागी हुइना कौनो
नियम नै हो ?




१८ वर्ष पूरा करल, कौना फटाहा काम (कसुर) नैकरल, स्थानीयतहम बैठना जेफे उपभोक्ता समितिके सदस्य बन सेक्ठ । सदस्य बनकलाग कौनो और उपभोक्ता समितिके सदस्य, राजनीतिक दलके पदाधिकारी, जनप्रतिनिधि, बाहालवाला सरकारी कर्मचारी ओ मर्स्टर्वा (शिक्षक) भर निहुइकपरठ । र्खासकैक जनिनन्के सभागिताके लाग और छुट्ट प्रावधान बा । उपभोक्ता समितिम कर्मतीम फे ३३ प्रतिशत जनिन मनै हुइहीपर्ना कैगिल बा । ओर्न फे समितिके अध्यक्ष, सचिव ओ कोषाद्यक्षमसे एवं तो महिला पदाधिकारी हुइही पर्ना ।

श्रोत : उपभोक्ता समिति कार्यविधि राजपत्र

घरेलु हिंसा करुइयन जरिवाना ओ कैद झुनु सजाय देना व्यवस्था कैगिल बा । असिक जनिन् (महिलालाई) घरेलु हिंसा कर्लसे ३ हजारसे लेक ६ महिनासम कैद वा झुनु सजाय हुइना प्रावधान बा । घरिघरि हिंसा करुइयन दोब्बर सजाय हुइना व्यवस्था फे कैगिल बा । यदि हिंसा करुइयन् कौनो सर्वाजनिक पदमा बहाल बाट कलसे ओ हुँक्र आपन जनिन, कौनो बुर्हाइल (ज्येष्ठ) मनैन् अपांगता हुइल मनैन्, नाबालक ओ गर्भवती (अंसाहा/पैनाहा) जनिनन् कौनो फे हिंसा कर्लसे थप १० प्रतिशत सजाय हुइना व्यवस्था बा ।

श्रोत: राष्ट्रिय महिला आयोग सामाजीसे साभार कैगिल हो

घरेलु हिंसा करुइयन कसिन
कसिन सजाय हुइना व्यवस्था बा ?



जाउँन अभिन फे
बोविसनके आरोपमा हिंसा
हुइठी रहठ । पीडितके ओर्से
लिखित उजुरी निअइलक
ओर्से दुःख डिहुइयन
(पीडक) कारबाही
निहुइलक हो ?

असिन कौनो फे कसुर हुइटिरहल ओ हुइना जानलम लग्ध रहल पुलिस चौकीम लिखित ओ मौखिक सूचना डिह सेवजाइठ । पुलिस असिक उजुरी डर्लक पठा पैठीकि पीडकहन २४ घण्टाभितर पक्ताउ कैक कानुनी प्रक्रिया सुरु कर परठ । बोवसीनेन्के आरोप लगौना, बेजजती कर्ना, बोविसन्या कैक बैठल ठाउँसे भगौना, सामाजिक बहिष्कार कर्ना, कौनो मनैन् आरोप लगाक पिटओइना, गोइना भोस्ना, डहुइना, रासायनिक, बिसाह, जैविक पदार्थ प्रयोग कर्ना, गुमुठ खैवैना, चारपाटा बनाक कपार खौरडेना, नंगवा बनैना, कौनो फे अपमान कर्ना खालके अमानवीय व्यवहार करुइया सक्कुन सजाय मिलठ । औस्तहक, बोवसीन्के आरोप लागल मनैयक परिवारहकनफे अपमान हुइना व्यवहार कर्लसे उहीह कानुनी अपराध मान्जाइठ ।

स्रोत : बोवसीको आरोप सञ्चालनी कसूर तथा सजायका सञ्चालनमा व्यवस्था गर्न बोको ऐन, २०७२





समाजह जनिनन्‌म विश्वास करसेकना बनौनाम पितृसत्तात्मक सोच रोकल बा



प्राय : सामाजिक गतिविधिम जनिनन्‌ह सहभागी करैठ । लेकिन, उहाँ ना ठ हुँक्र आपन विचरा ढर पैठ ना ठ हुक्कनके बोल्लक् बाट सुन्डेर । हमन महिला सहभागिता करैली कैक कोटा पुगाइक लाग ओ हस्ताक्षर करक लाग केल बलैठ । समाजके असिन द्यवहार निराश बनाइठ । सझ अरठ हुइठी रही कलसे हमार बाट कैह्या सुन्जाइ ? वाकर लाग हम कुछ कैक देखाइपरी कना लागठ ।

मै एकदिन आँट कैक आपन वडाके वडाद्यक्ष प्रेम भण्डारीह “मही फे कौनो जिरमेवारी डेओ, मै फे कुछ कर चाहतुँ” कैक आपन बाट ढर्नु । उहाँ मही “हुइठा” कैक शिवनगर ठोल डगारिक किनारक् “ठेवा पर्खाल निर्माण” करक लाग बनल उपभोक्ता समितिक् अद्यक्षके जिरमेवारी डेल । मै जिरमेवारी ठ भेटैनुँ । लेकिन, महिला हुइलक

ओर्से महि किउ फे विश्वास निकर्ल । “जनिन मनै (महिला) होक अट्रा भारी जिरमेवारी लेह सेकबो ? अप्नि निसेकबी । ठब ठारुह(पुरुष) अद्यक्ष बनाइपर्ठ । यी पद अप्नि छोरडी” कना जसिन बाट आइल ।

कैजान ठ “मजा काम कर निसेकबो कलसे जेल जाइपरि” कैक फे ढरकैल । लेकिन, मै पाछ निपछ्गुर्नु । काजेकी मही “मै इ काम कर सेकम” कना विश्वास रह । महि र्वा वडाद्यक्ष ओ ओभरसियर दुनुजन बहुठ सहयोग कर्ल । “अप्नि सेवडर्बि, नाडरैहो, हम बाटि । महिला आघ बहपर्ठी हम सहयोग कर्बि” कैक हौसला डेल । हुक्कनके इ बाटले महि बहुठ साहस मिलल् । अभिन हमार काम सुरु नैहुइल हो । हम तयारी कर्टि बाटी । मै जौन जिरमेवारी भेटैल बाटुँ उ पूरा कर्ना तयार बाटुँ । र्वा जसिन बहुठ दिदीबाबुहुँक्र समाजमा कुछ कैक आघ बह चहठ । लेकिन, हुँक्र आघ आइनासे पितृसत्तात्मक सोच रहल समाज अभिन रोकिट बा । जबसम इ समाज जनिनन्‌विश्वास नैकरि ठबसम महिला चाहके फे आघ बह नैसेकहीं ।

निर्मला बिष्ठ धानुक

शिवनगर ठोल सडक किनारम “ठेवा पर्खाल निर्माण” काम करक लाग बनल उपभोक्ता समिति, धनगढी उप-महानगरपालिका - ९



“
जनिन मनै पाछ पर्ना खास कारण कलक जनिनन्‌ह विश्वास निकैजिना जो हो । जबसम जनिनन्‌विश्वास निकैजाइ ठबसम जनिनन्‌आघ बह निसेकहीं । ओहओर्से आघ बह चहना जनिनन्‌ह जिरमेवारी डेक हौसला बहैना जरुरी बा ।”

सनुवायके प्रतिनिधि आवाज

तारा चौधरी

वडा सदस्य,
धनगढी उप-महानगरपालिका वडा नं. ८

कानुन जनिनन्के आरक्षणके बाट करठ लेकिन हुँकन कहोरे फे ढरबेर प्रश्न उठाजाइठ । ढर्से फे नाउँभरिक ढैजाइठ । टोलम कौनो काम करबेर ह्वाए, झरा मिलाइबेर ह्वाए वा और कौनो सामाजिक, आर्थिक, लैंगिक, वातावरणीय, जनिनन्के कौनो बाट फे निपट्यैठ । जनप्रतिनिधि होसेवलसे जनिनन्के लाग कुष्ठ कर्नास् लागाठ । जनिनन् आर्थिक रूपसे सक्षम बनाऊँ लागाठ । लेकिन, वडाम आइल बजेट ठोरचे हुइल ओर्से चाहक फे कुष्ठ कर निसेकिगल हो । तालिम डेलसे वाकर लागु निहुइठ । तालिमपाष्ठ हुँकन त्यवसाय चलैनाम अग्रसर बनाइपठाए । उ काम फे कर निसेवलकम पस्ठो लागाठ । आबक १ वर्षके अवधिम हक्क इ काम सुरुक्लेर कर सेवलसे और कार्यकालके लाग उदाहरण बन सेवने रह ।



कल्पाणी सिंह

वडा सदस्य,
धनगढी उप-महानगरपालिका वडा नं. १

महिला सदस्य होक आइलम महिला, दलित, अपांग, अल्पसंख्यक, पाष परल सक्कुन्के लाग काम कर पर्ना हो । जनिनन् पाष पर्ना बहुठ कारणमसे एकठो कारण हो, आर्थिक परनिर्भरता । जनिनन् स्वावलम्बी बन(इसेवना कार्यक्रम लानपर्ना जरुरी बा । ओरठहक कार्यक्रमके लाग नगर बजेट फे छुट्यइल बा लेकिन उ बजेट कम बा । हुइना ठ जनिनन् (महिला), अपांग, अल्पसंख्यकहुकनके लाग ब्युटिपार्लर, सिलाइकटाइ, ड्राइमिङ जसिन तालिम डेल बा । अटा तालिम डेलकओर्से कबुकाल प्रभावकारी निहुइलकी कना आसक लागाठ । तालिमके सङ्सङ्ग असिन कार्यक्रम दिगो रुपमा चलैना वातावरण फे बनैना जरुरी बा ।



DISCLAIMER

यी अंकमा सिमोट्रिल जानकारी समुदायम काम कर्ति रहल स्वयंसेवक, अनलाइन माईयमसे लेहल आधिकारिक स्रोत, सरकारी कार्यालय ओ अकाउन्टबिलिटी ल्याब नेपालके फेलोसिमअन्तर्गत काम कर्ति रहल मानिला समूहके कैयौंठे मनैनसे प्रत्यक्ष ओ अप्रतक्ष्य रूपमा बढ्वाक तयार कैगिल हो । विषयके महत्व, सान्दर्भिकता ओ धनगाढी उपमहानगरपालिकाम पारसेवना सकारात्मक प्रभावह द्यान डेक यी विषयवस्तु छानिगाल बा । यी अंकमा सिमोट्रिल जानकारी बुलेटिन प्रकाशित हुइल मितिसम् सत्य बा ।

“Gov-her-nance” अकाउन्टविलिटी ल्याब नेपालले धनगाढी
उपमहानगरपालिकासँगको सहकार्य र CFLI को सहयोगमा तयार गरिएको हो ।



Activity supported by the
Canada Fund for Local Initiatives
Activité réalisée avec l’appui du
Fonds canadien d’initiatives locales



@CivicActionTeams



@CivActs



@civacts